

摘藻堂四庫全書薈要

史部

欽定四庫全書叢要

史部

御批歷代通鑑輯覽卷十七



詳校官原任編修臣徐立綱

欽定四庫全書薈要卷七千四百七十

御批歷代通鑑輯覽卷十七

漢

皇帝

鳳元年

應劭曰以鳳
風下冠元

春三月徵有行義者韓福等

至長安賜帛遣歸

賜郡國所選有行義者韓福等五人帛各五十匹遣
歸詔曰朕聞勞以官職之事其務修孝弟以教鄉里

令郡縣以正月賜羊酒有不幸者賜衣被一襲祠以
中牢

秋七月乙亥晦日食

九月鄂邑長公主燕王旦上官桀安等謀反皆伏誅

上官桀父子為丁外人求封侯霍光不許又為外人
求光祿大夫欲令得召見又不許長主以是大怨光
而桀安亦慙自武帝時桀位在光右及是皇后親安
女光乃其外祖而顧專制朝事田是與光爭權燕王

旦常懷怨望桑弘羊欲為子弟得官亦怨恨光于是

益主桀安弘羊皆與旦通謀詐令人為燕王上書言

光出都肄郎羽林

都試肄習謂大閱試習武備也

道上稱蹕又擅調

益莫府校尉

莫府大將軍府也

專權自恣疑有非常因候伺

光之出沐日奏之桀欲從中下其事弘羊當與諸大

臣共執退光書奏帝不肯下明旦光聞之止畫室中

畫室中有武帝所賜周公負成王之圖畫

不入上問大將軍安在桀對曰

以燕王告其罪故不敢入有詔召大將軍光入免冠

頓首謝上曰將軍冠朕知書是詐也將軍無罪光曰

陛下何以知之上曰將軍之廣明

亭名之徒也

都郎屬耳

屬近也言近日事也

調校尉以來未能十日燕王何以知之且

將軍為非不須校尉是時帝年十四尚書左右皆驚

而上書者果亡捕之甚急桀等懼白上小事不足遂

上不聽後桀黨與有譖光者上輒怒曰大將軍忠臣

是先帝所屬以輔朕身敢有毀者坐之自是不復敢

言桀等謀令長公主置酒請光伏兵格殺之因廢帝

而立燕王旦旦以語相平

燕王之相名平

平曰左將軍素輕

易車騎少而驕臣恐其不能成又恐既成反大王耳

旦不聽安果謀誘燕王至而誅之因廢帝而立桀會

蓋主舍人父燕

燕以國為氏

倉知其謀以告大司農楊敞

華陰人

敞素謹畏事乃移病卧以告杜延年延年以聞

九月詔捕桀安弘羊外人等并宗族悉誅之蓋主燕

王皆自殺

皇后以年少不與聞以霍光外孫得不廢燕太子建蓋主子文信敞為庶人

冬十月以張安世

張湯子字子孺

為右將軍杜延年為太僕

大將軍光以朝無舊臣安世自先帝時為尚書令志

行純篤乃白用安世為右將軍兼光祿勳以自副焉

初武帝幸河東亡書三篋詔問莫能知惟安世識之
具作其事後購得書以相校無所遺失帝奇其材擢
為光祿大夫至是以延年有忠節擢為太僕右曹給
足光益親重之

事中

光特刑罰嚴延年常鞠之以寬吏
民上書言便宜下延年平處覆奏

癸卯 三年春正月泰山石立上林僵柳復起生

泰山有大石自起立

句句有數千人聲民視之有大
石自立高大五尺大四十八圍

入地深八尺
三石為足

上林有僵柳自起生有蟲食柳葉成文

旺孟失誅罪當
也宣帝官其子
何為乎

字曰公孫病已立符節令畦孟

曹國
著人

上書言大石自

立僵柳復起必有匹庶為天子當求賢人禪帝位以

順天命坐設妖言惑眾伏誅

後五年宣帝立
殺孟于為郎

冬遼東烏桓反遣將軍范明友將兵擊之

初冒頓破東胡東胡餘眾散保烏桓

亦曰烏丸遼東
地理志烏州有

烏丸山今阿魯科爾沁西北
有烏聯山或曰即烏丸也

及鮮卑山

在今喀爾
沁右翼為

二族世役屬匈奴武帝擊破匈奴左地因徙烏桓於

上谷漁陽右北平遼東

俱漢郡
注見前

塞外偵察匈奴動靜

置護烏桓校尉監顧之使不得與匈奴交通至是部

衆漸強遂反漢得匈奴降者言匈奴方發二萬騎擊

烏桓霍光欲邀擊之以問護軍都尉趙充國充國以

為烏桓間數犯塞今匈奴擊之于漢便又匈奴希寇

盜北邊幸無事蠻夷自相攻擊而發兵要之治寇生

事非計也光更問中郎將范明友明友言可擊於是

拜明友為度遼將軍將二萬騎出遼東匈奴引去初光

戒明友不空出即後匈奴遂擊烏桓明友乘烏桓敵

擊之斬獲甚衆匈奴由是恐不敢復出兵

明年封明友為平陵侯

侯

甲辰四年春正月帝冠

丞相千秋卒

諡曰定

以王訢

濟南人

為丞相

封宜春侯

千秋居丞相政事一決大將軍光千秋謹厚自守而

已

千秋年老上優之朝見得乘小車入宮殿中故因號曰車丞相

夏五月孝文廟正殿火

上及羣臣皆素服發中二十石將五校

將作大匠屬有左右前後

中五
人令作治六日成

遣使誘樓蘭王安歸殺之

初樓蘭王死匈奴先聞之遣其質子安歸歸得立為
王漢詔令入朝王辭不至復為匈奴反間數遮殺漢
使駁馬監傅介子

北地義渠人

使大宛詔因令責樓蘭王

王謝服介子還謂大將軍曰樓蘭數反覆而不誅無
所懲艾願往刺之以威示諸國大將軍白遣之介子
齎金帛揚言以賜外國為名至樓蘭王貪漢物來見

介子與坐飲醉謂曰天子使我私報王王起隨介子
入帳中壯士二人從後刺之遂斬其首馳傳詣闕縣
北闕下立其弟在漢者尉屠耆為王更名其國為鄯
善復遣吏士田其國伊循城鄯善地名以填撫之封介子
為義陽侯

乙巳五年夏大旱

冬大雷

丞相訢卒

諡曰敬

丙午六年冬十一月以楊敞為丞相

封安平侯

丁未元平元年春二月減口賦錢十三

漢儀注民年七歲至十四出口賦人

二十三錢二十錢以食天子具三

錢者武帝加口錢以補車騎馬

詔曰天下以農桑為本日者省用罷不急官

謂非要職減

外錄耕桑者益衆而百姓未能家給朕甚憇焉其減

口賦錢有司奏請減十三上許之

有流星大如月衆星隨西行

夏四月帝崩大將軍光承皇后詔迎昌邑王賀詣長安

六月入即位尊皇后曰皇太后

帝崩無嗣時武帝子獨有廣陵王胥羣臣欲立之胥

本以行失道先帝所不用大將軍光不自安即有上

書言周太王廢太伯立王季文王舍伯邑考而立武

王惟在所宜雖廢長立少可也廣陵王不可以承宗

廟言合光意光即日承皇后詔迎昌邑王賀詣長安

邸賀昌邑哀王躃之子素狂縱動作無節武帝之喪

游獵不止中尉王吉

字子陽
御史大夫
人

切諫

吉曰大王不好
書術而樂逸游

非所以全壽命之宗又非所以進仁義之隆也皇帝
仁聖至今思慕未怠于宮殿園池弋獵之樂未有所
幸大王宜夙夜念此以承聖意諸侯骨肉莫親大王
于屬則子于位則臣一身而二任之責加焉恩愛行
義熾介有不具者于王乃下令曰中尉甚忠數輔吾
以上聞非國之福也

過使賜牛肉酒脯而放縱自若郎中令龔遂

字少卿
山陽人

忠厚剛毅有大節內諫諍王外責傳相引經義陳禍

福至于涕泣蹇蹇亡已請選郎通經有行義者與王

起居坐則誦詩書立則習禮容王許之數日皆遂去

王嘗見大白犬頸以下似人冠方山冠以問遂遂曰
此天戒言在側者盡冠狗也去之則存不去則亡矣

又見大熊左右莫見以問遂遂曰山野之獸亦入宮
室宮室時空危亡象也王仰天歎曰不祥何為數來
遂叩頭曰臣不敢隱忠數言危亡之戒大王不悅夫
國之存亡豈在臣言哉願王內自揆度大王誦詩三
百五篇人事決王道備王之所
行中詩一篇何等也王終不改
及徵書至夜漏未盡

一刻以火發書日中發晡時至定陶行百三十五里

王吉奏書戒王曰臣聞高宗諒闇三年不言今大王
以喪事徵宜日夜哭泣悲哀而已慎無有所發大將
軍仁愛勇智忠信之德天下莫不聞願大王事之敬
之政事一聽之大王垂拱南面而已王到霸上大鴻

臚郊迎駟奉乘輿車王使遂驂乘至廣明東都門遂
曰禮肆喪望見國都哭王曰吾嗟痛不能哭至城門
遂復言王曰城門與郭門等耳且至未央宮東闕遂
曰昌邑帳在是大王宜下車鄉闕西面伏哭盡哀上
王曰諾到哭如儀六月受璽綬襲尊號

葬平陵

在西安府咸陽縣東安

賀善贊曰昭帝初元即遣使問民疾苦蠲賑貸種食
後又罷榷酤官減口賦殘虐虛耗之民始有生意
昭帝于是可
簡善繼矣

奉迎昌邑光陰
德不能慎始以
致廢立滋事幸
其所處得當為
無過耳其時皇
曾孫未有賢名
使早結訪立之
何待丙吉奏記
謀之不臧乃特
殺舊日師傅不
察之罪豈非辭
道

昌邑王有罪大將軍光率羣臣奏太后廢之

昌邑王淫戲無度大將軍光憂懣以問故吏大司農

田延年

字子賓本齊諸田後徙陽陵

延年曰將軍為國柱石審此

人不可何不建白太后更選賢而立之光曰今欲如

是于古嘗有此否延年曰伊尹相殷廢太甲以安宗

廟後世稱其忠將軍若能行此亦漢之伊尹也光乃

引延年給事中陰與張安世圖計

王出遊光祿大夫夏侯勝當乘輿前

諫曰天久陰而不雨臣下有謀上者陛下出欲何之
王怒勝勝屬吏光讓安世以為泄語安世寔不言乃

台問勝勝言在洪範傳曰皇之不極厥罰恒陰時則
下人有戕上者惡察察言光安世大驚以此益重經

術士 夏侯勝字

長公 魯東平人

既定議召丞相御史將軍列侯中

二千石大夫博士會議未央宮光曰昌邑王行昏亂

恐危社稷如何羣臣皆驚愕失色莫敢發言延年離

席按劍白先帝屬將軍以幼孤寄將軍以天下以將

軍忠賢能安劉氏也今羣下鼎沸社稷將傾且漢之

傳諡常為孝者以長有天下令宗廟血食也如漢家

絕祀將軍雖死何面目見先帝于地下乎今日之議

不得旋踵羣臣後應者臣請劓斬之光謝曰九卿責光是也于是議者皆叩頭曰唯大將軍令光即與羣

臣俱見白太后太后乃幸未央承明殿

詔諸禁門毋內昌邑羣臣

安世將羽林騎收縛二百餘人皆送廷尉詔獄光勅左右謹宿衛卒有物故自裁令我負天下有殺主名

盛服坐武帳中侍御數百人皆持兵期門武士陛戟陳列殿下羣臣以次上殿召昌邑王伏前聽詔尚書令讀奏曰丞相臣敞等昧死言孝昭皇帝早棄天下遣使徵昌邑王典喪服斬衰無悲哀之心廢禮誚居

道上不素食使從官畧女子載衣車內所居傳舍受
璽大行前就次發璽不封從官更持節又引內昌邑
騶宰官奴與居禁闥內教戲發樂府樂器擊鼓歌吹
作俳倡名內泰壹宗廟樂人

泰壹一樂人也

悉奏衆樂與孝

昭皇帝宮人蒙等淫亂太后曰止為人臣子當恃亂
如是耶王離席伏尚書令復讀曰祖宗廟祠未舉為
璽書使使者持節以三太牢祠昌邑哀王園廟稱嗣
子皇帝受璽以來二十七日使者旁午持節詔諸官

署徵發凡一千一百二十七事荒淫迷惑失帝王禮
誚亂漢制度臣敞等數進諫不變更日以益甚恐危
社稷天下不安臣敞等謹與博士議皆曰凡五辟

刑也

之屬莫大不孝宗廟重于君王不可以承天序奉祖
宗廟于萬姓當廢臣請有司以一太牢具告祠高廟
皇太后詔曰可光令王起拜受詔脫其璽組奉上太
后扶王下殿出金馬門就乘輿副車光送至邸謝曰
王行自絕于天臣寧負王不敢負社稷願王自愛涕

泣而去羣臣奏請徙王賀房陵

漢縣故城在今湖北鄖陽府房縣詔

歸賀昌邑賜湯沐邑二千戶國除為山陽郡

昌邑羣臣生在

國時不舉王罪過令漢朝不聞知又不能輔道陷王
大惡皆下獄殺二百餘人唯中尉吉却中令遂得以
減死髡為城旦師王式繫獄當死使者責曰師何以
無諫書式對曰臣以詩三百五篇朝夕授王至于忠
臣孝子之篇未嘗不為王反覆誦之也至于危亡失
道之君未嘗不流涕為王深陳之也臣以三百五篇
諫是以無諫書亦得減死論光以太后省政宜知經
術白令夏侯勝用尚書授太后遷勝長信少府賜爵
關內侯式王
東平新桃人

秋七月迎武帝曾孫病已入即位

初衛太子納史良娣

太子妃有三等曰妃曰良娣曰孺子

生子進號史

王孫

以外家姓稱之也

皇孫納王夫人

名翁須孫郡廣望人

生子病已

號皇曾孫生數月遭巫蠱事太子男女妻妾皆受害

獨皇曾孫在亦坐收繫郡邸獄故廷尉監丙吉

丙氏出邸

以邑為氏後去邑吉字少卿魯國人

受詔決獄心知太子無事寔重哀

皇曾孫無辜擇謹厚女徒胡組郭徵卿令乳養吉日

再省視望氣者言長安獄中有天子氣武帝遣使者

分條中都官詔獄

漢儀注長安中諸官府獄三十六所

繫者無輕重皆

非獨望氣之言不足為據即帝亦寤之語豈當時所應有史臣事後附會更何待言

殺之夜到郡邸獄吉閉門不納曰他人無辜死者猶

不可況親曾孫乎使者不得入還以聞武帝亦寤曰

天使之也因赦天下吉聞史良娣有母貞君及兄恭

乃載皇曾孫付之後有詔掖庭養視上屬籍宗正時

掖庭令

少府屬

張賀嘗事衛太子思顧舊恩哀曾孫奉

養甚謹欲以女孫妻之賀弟安世為右將軍輔政怒

曰曾孫乃衛太子後也勿復言予女事時暴室

漢官儀暴

室主宮人疾病者有罪亦就此

番夫許廣漢

昌邑人為詔以罪下蠶室

有女賀以

家財聘之曾孫因依倚廣漢兄弟及史氏受詩于東

海濩中翁

濩姓中翁名

高材好學然亦喜游俠鬪雞走狗

上下諸陵周徧三輔以是具知閭里姦邪吏治得失
及是吉奏記光曰今社稷宗廟羣生之命在將軍之
一舉竊伏聽之衆庶其所言諸侯宗室在列位者未
有所聞也而武帝曾孫名病已在掖庭外家者十八
九年矣通經術有美材行安而節和願將軍詳大義
參以蓍龜先使八侍令天下昭然知之然後決定大

策天下幸甚七月光會丞相以下議定所立遂上奏

曰孝武皇帝曾孫病已年十八師授詩論語孝經躬

行節儉慈仁愛人可以嗣孝昭皇帝後承祖宗子萬

姓皇太后詔曰可光遣宗正德

辟彊子
字路叔

迎曾孫就齋

宗正府明日入未央宮見太后封為陽武侯羣臣奏

上璽綬即皇帝位謁高廟待御史嚴延年

字次卿東
海下邳人

劾奏大將軍光擅廢立無人臣禮不道奏雖寢然朝

廷肅然敬憚之

九月大赦天下

丞相敞卒

謹曰

以蔡義

河內溫人

為丞相

封陽平侯

先是太將軍光與張安世謀廢立議已定遣田延年
報敞敞驚懼不知所言汗出洽背徒唯唯而已敞夫
人司馬遷女也遽從東廂與延年參語許諾請奉太
將軍教令遂共廢昌邑王而立帝義先以明經給事太
將軍莫府昭帝召見說詩悅之擢光祿大夫及是敞
卒義代為丞相時義年已八十餘貌似老嫗議者謂

光置宰相苟用可專制者光曰以為入主師當為宰相何謂云云

冬十一月立皇后許氏

光阻封廣漢
有無后之心
者歸罪女嬃
謀認奇光以
能大義滅親
受雲耳

公卿議立皇后皆心擬霍將軍女亦未有言上乃詔求微時故劍大臣知指白立許儂孖為皇后霍光以
后父廣漢刑人不宜君國歲餘乃封為昌成君

皇太后歸長樂宮

長樂宮初置屯衛

中宗孝宣皇帝

本名病已後更名詢武帝曾孫戾太子孫也以太子

故

事具前

初居民間

幸常在下杜卧居數有光耀每買餅所從買家輒大豐亦以是自怪

霍光既廢昌邑王遂迎立之

戊申

本始元年春大將軍光請歸政不受

詔有司論定策安宗廟功大將軍光等皆益封光稽

首歸政上謙讓不受諸事皆先關白光然後奏御光

自昭帝以來子禹及兄孫雲山諸壻外孫黨親連體

政自人主之政苟不幸遇冲齡大臣代攝長而自理其政可也無請歸之體况宣帝年已弱冠習民事宜自理無二議光請歸

政名已不正讓
而非受豈非因
駭棄之歸政為
是假藉權術乎
卒至釀成秋后
之禍誰執其失
哉

根據朝廷及是權日益重每朝見上虛已飲容禮下

之已甚

時富平侯張安世以下益封者十人封侯者五人賜爵關內侯者八人大司農田延年以

首發大議封陽成侯已而延年以昭帝之喪詐增車直盜取錢三十萬為怨家所告當就獄延年曰我何

面目復入牢獄遂自刎死焉

夏四月地震

五月鳳凰集膠東

註見前

千乘

註見前

赦天下勿收田租賦

帝之世鳳凰集者凡八是年以後四年五月集北海地節二年

四月集魯元康元年三月集泰山神爵二年正月集京師四年十月集杜陵十二月集上林甘露三年二

月集新蔡
皆大赦

追謚戾太子戾夫人悼考悼后置園邑

詔曰故皇太子在湖未有號謚歲時祠其議謚置園
邑有司奏禮為人後者為之子也故降其父母不得
祭尊祖之義也陛下為孝昭皇帝後承祖宗之祀親
謚宜曰悼母曰悼后故皇太子謚曰戾史良娣曰戾
夫人皆改葬焉

召黃霸

字次公
陽夏人

為廷尉正

初霍光既誅上官桀遂以刑法痛繩羣下由是俗吏皆尚嚴酷而河南丞黃霸獨用寬和為名上在民間時知百姓苦吏急也聞霸持法平乃召以為廷尉正數斷疑獄廷中

師古曰謂廷尉之中也

稱平

己二年夏尊孝武皇帝廟為世宗所幸郡國皆立廟

詔曰孝武皇帝躬仁義厲武功德茂盛而廟樂未稱朕甚悼焉其與列侯二千石博士議于是羣臣皆曰宜如詔書夏侯勝獨曰武帝雖有攘四夷廣土境

之功然多殺士衆竭民財力無德澤于民不宜為立
廟樂公卿共難勝曰此詔書也勝曰詔書不可用也
人臣之義宜直言正論非苟阿意順指議已出口雖
死不悔于是丞相御史劾奏勝非議詔書毀先帝不
道丞相長史黃霸阿縱勝不舉劾俱下獄有司遂請
尊武帝廟為世宗廟奏盛德文始五行之舞巡狩所
幸郡國皆立廟

勝霸既久繫霸欲從勝受尚書勝辭以罪死霸曰朝聞道夕死可矣勝賢

其言遂授之

秋遣將軍田廣明等將兵及校尉常惠護烏孫兵擊匈奴

初烏孫公主死漢復以楚王戊之孫解憂為公主妻

岑取岑取死以國與季父大祿子翁歸靡號肥王復

尚楚主生元貴靡公主及昆彌皆上書言匈奴復連發大

兵侵擊烏孫欲隔絕漢惟天子出兵救之乃大發兵遣廣

明等五將軍

田廣明為祁連將軍趙充國為蒲類將軍田順為虎牙將軍及度遼將軍范明友前

將軍韓增凡五將軍

十六萬騎分道並出使常惠持節護烏孫兵

共擊匈奴明年夏五月匈奴聞漢兵大出犇遠遁軍
遂罷田順不至期廣明逗遛不進皆下吏自殺烏孫
昆彌自將五萬騎與常惠從西方入獲名王騎將以
下四萬級馬牛羊驢七十餘萬頭乃封惠長羅侯其
冬單于自將數萬騎擊烏孫會天大雨雪一日深丈
餘人畜凍死還者不能什一于是丁令乘弱攻其北
烏桓入其東烏孫擊其西所殺數萬級重以餓死人
民什三畜產什五諸國羈屬者皆瓦解攻盜不能理

匈奴大虛弱滋欲鄉和親而邊境少事矣

庚戌三年春正月大將軍光妻顯弒皇后許氏

葬杜陵

時霍光夫人顯欲貴其小女成君道無從會許后當
娠病顯使女醫淳于衍投毒藥去之衍即搗附子齋
入長定宮皇后免身後衍取附子并合太醫大丸以
飲皇后有頃曰我頭岑岑也藥中得無有毒對曰無
有遂加煩懣崩後有人上書告諸醫侍疾無狀者皆
收繫詔獄顯恐急即具語光曰既失計為之無令吏

急行光大驚欲自發舉不忍奏上光署行勿論顯因

勸光內其女入宮

夏六月丞相義卒

諡曰節

以韋賢

字長孺魯國鄒人

為丞相

封扶陽侯

魏相

字弱侯濟陰定陶人

為御史大夫

以趙廣漢

字子都燕吾人

為京兆尹

初廣漢為潁川

註見前

太守其俗豪傑相朋黨廣漢為

詬笥

音項同詬如瓶笥斷竹也皆為小孔可入而不可出

受吏民投書使相告

訐于是姦黨散落及為京兆尤善鈎距

如鈎鉤之有距反之則順

吐之則逆伏人入其術中而不能出也

以得事情閭里銖兩之姦皆知

之其發奸摘伏如神自漢興治京兆者莫能及然廣

漢好用世吏子孫新進年少者見事風生無所回避

卒以此敗

先是廣漢以私怨論殺男子榮富人上書言之事下丞相御史按驗會丞相有婢言

殺死廣漢疑丞相夫人殺之欲因此脅丞相毋令窮竟已事丞相按之愈急廣漢乃將吏卒入丞相府白

其夫人跪庭下受辭次奴婢十餘人去丞相上書自陳事下廷尉治婢寔以過譴出至外第死不如廣漢

言上惡之下

竟坐要斬

事在元康元年丞相魏相也廣漢廉明威制豪強小民得

職下獄時吏民守闕號泣者數萬人既死百姓追思歌之

辛亥 四年春三月立大將軍光女為皇后

初許后起微賤登至尊曰淺從官車服甚節儉及霍后立舉駕侍從益盛賞賜官屬以千萬計與許后時大惡絕矣

夏四月郡國四十九地震

或山崩水出北海邛邪壞祖宗廟帝素服避殿詔問經學及舉賢良方正之士

以夏侯勝為諫大夫黃霸為揚州刺史

上以地震釋勝霸而用之勝為人質樸守正簡易無
威儀或時謂上為君誤相字于前上亦以是親信之
嘗見出道上語上聞而讓勝勝曰陛下所言善臣故
揚之堯言布于天下至今見誦臣以為可傳故傳耳
朝廷每有大議上謂曰先生建正言無愆前事

後為長信

少府遷太子太傅年九十卒太
后素服五日以報師傅之恩

壬子地節元年春有星孛于西方

冬十二月癸亥晦日食

以于定國

字曼倩東海鄭人

為廷尉

定國為廷尉乃迎師學春秋備弟子禮為人謙恭雖

卑賤皆與鈞禮其決獄平法務在哀矜寡罪疑從輕

加審慎之心朝廷稱之曰張釋之為廷尉天下無冤

民于定國為廷尉民自以不冤

初定國父于公為縣獄吏決獄平東海有

孝婦少寡養姑甚謹姑欲嫁之終不肯姑謂隣人曰

婦無子守寡我老久累丁壯奈何遂自經死姑女告

婦殺母婦不能辨証服于公爭之不得婦論死東海

卑三年後太守因公言致祭立兩公治門閭謂曰可

高大令容駟馬高益我治獄多陰德

子孫必有興者及是定國果貴顯

孝婦固不可屈
然然致旱三年
則雖為之且三
年早亦甚矣在
殺孝婦之太守
本未即死而黎
民饑餓死者不
知其凡幾矣山

川有靈必不為
此是理本易知
而紀載者欲神
其事遂不覺其
語之誕耳食者
方以為美談于
政表而正之

霍光功德固未
如周公成王之
賜伯禽之受論
史者且非之宣
帝可謂昧於經
術矣

癸丑二年春三月大司馬大將軍博陸侯霍光卒

諡曰宣成

光病車駕自臨問為之涕泣光上書謝恩願分國邑
封兄孫山為列侯即日拜光子禹為右將軍光卒賜
葬具如乘輿制度置園邑三百家

夏四月以張安世為大司馬車騎將軍領尚書事

魏相上封事曰聖王褒有德以懷萬方顯有功以勸
百寮是以朝廷尊榮今新失大將軍宜顯明功臣以
填藩國毋空大位以塞爭權車騎將軍安世忠信謹

魏相封事自正
論不刊特因庸
漢以進則是門
戶張後起見當
分別觀之

厚國家重臣也宜尊其位上亦欲用之安世深辭不
能得乃拜大司馬車騎將軍領尚書事

以霍山為奉車都尉領尚書事御史大夫魏相給事中

上思報大將軍德乃封光兄孫山為樂平侯使以奉

車都尉領尚書事魏相因許廣漢奏封事言春秋譏

世卿惡宋三世為

胡三省曰
當作惡

大夫

公羊傳宋三世無
大夫三世內娶也

註內娶大夫女也禮不臣妻之
父母宋以內娶故言無大夫也

及魯季孫之專權皆

危亂國家自後元以來祿去王室政由冢宰今光死

子復為右將軍兄子秉樞機昆弟諸壻據權勢在兵
官夫人顯及諸女皆通籍長信宮或夜詔門出入驕
奢放縱恐寢不制宜有以損奪其權破散陰謀以固

萬世之基全功臣之世又故事諸上書者皆為二封

署其一曰副領尚書者先發副封所言不善屏去不

奏相復因許伯

即廣漢

白去副封以防壅蔽帝善之詔

相給事中

帝興于閭閻知民事之衆難自霍光卒後
始親政務勵精為治五日一聽事自丞相

以下各奉職而進樞機周密品式備具上下相安莫
有苟且之意及拜刺史守相輒親見問觀其所由退

而考察所行有名寔不相應必知其所以然常稱曰
庶民所以安其田里而無太息愁恨之聲者政平訟
理也與我共此者其惟良二千石乎以為太守吏民
之本數變易則下不安民知其將久不可欺因乃服
從其教化故二千石有治理效輒以璽書施屬增秩
賜金或爵至關內侯公卿缺則選用之漢世良吏于
斯為盛

甲寅三年春三月賜膠東相王成爵關內侯

宣帝謀吏可問
周詳然王成首
以偽增戶口賜
爵則知綜核名
實本不如王道
之易行也

詔曰膠東相王成勞來不急流民自占八萬餘口治有
異等之效其賜成爵關內侯秩中二千石後詔問郡
國上計長史及守丞以政令得失或對言前膠東相

成偽自增加以蒙顯賞是後俗吏多為虛名云

夏四月立子爽為皇太子

即元帝共哀
許皇后生

霍顯聞立太子怒不食曰此乃民間時子安得立即
后有子反為王耶復教后毒太子數召賜食保阿輒先
嘗之后扶毒不得行

五月丞相賢致仕

賢以老病乞骸骨賜黃金安車駟馬罷就第丞相致

仕自賢始

賢為人質朴少欲篤志于學兼通禮尚書
以詩教授號稱鄒魯大儒年八十二卒諡

曰節少子元成復以明經歷仕故鄣
魯諺曰道子黃金滿籬不如一經

六月以魏相為丞相

封高平侯

丙吉為御史大夫

上方練羣臣核名寔而相總領衆職與丙吉同心輔

政上皆重之

以疎廣

字仲翁東海蘭陵人

為太子太傅廣兄子受

字公

為少傅

太子外祖父平恩侯許伯以為太子少白使其弟中

郎將舜監護太子家上以問廣廣對曰太子國儲副

君師友必于天下英俊不宜獨親外家且太子官屬

己脩復使舜護太子家示陋非所以廣太子德于天下也上善其言以語魏相相免冠謝曰此非臣等所能及也廣由是見器重

太子每朝太傅在前少傅在後父子並為師傅朝廷以為

榮

大雨雹以蕭望之

字長倩蘭陵人

為謁者

京師大雨雹大行丞蕭望之上疏言陛下思政求賢堯舜之用心也然而善祥未臻陰陽不和是大臣任政一姓專權之所致也附枝大者賊本心私家盛者

池黎假氏與鄭
倚乘與濟人不
大徑庭焉災而
懼何如懼於未
過之前然較之
不知懼者為已

公室危惟陛下躬萬幾選同姓舉賢才以為腹心與
參政謀明陳其職以考功能則庶事理矣上素聞望
之名拜為謁者時上傳延賢俊多上書言便宜輒下
望之問狀高者請丞相御史次者中二千石試事滿
歲以狀聞下者報聞或罷歸田里所白處奏皆可

秋九月地震

詔曰乃者地震朕甚懼焉有能箴朕過失以匡不逮
毋諱有司朕既不德不能附遠是以邊境屯戍未息

今復飭兵重屯久勞百姓非所以綏天下也其罷車

騎右將軍屯兵池籛

禁苑也

未御幸者假與貧民郡國

宮館勿復修治流民還歸者假公田貸種食且勿算

事

謂不出算賦
不給徭役

以張安世為衛將軍諸軍皆屬以霍禹為大司馬罷其
屯兵

上頗聞霍氏毒殺許后而未察乃徙光諸壻為他官

未央衛尉范明友為光祿勳中郎將羽林監
任勝為安定太守長樂衛尉鄧廣漢為少府

收其印

綬更以張安世為衛將軍兩宮

未央長樂

衛尉城門

十二門屯

兵北軍

八校兵

屬馬以霍禹為大司馬

冠小冠亡印綬

特使禹官名與

光俱大司馬者

罷其屯兵官屬諸領胡越騎羽林及兩宮衛

將屯兵悉易以所親信許史子弟代之

冬十二月置廷尉平

員四人
有左右

初考武使張湯趙禹之屬條定法令作見知故縱監

臨部主之法

或見或知而不舉告為故縱而
所監臨部主亦有罪并連坐也

緩深故

之罪

時欲急刑吏深害及故
八人罪者皆寬緩之

急縱出之誅

吏釋罪人
疑以為縱

出則急誅之

其後奸猾巧法轉相比

必利反

况禁罔寔密律

令煩苛文書盈于几閣典者不能徧睹是以郡國承用者或罪同而論異姦吏因緣為市所欲活則傳生議所欲陷則予死比議者咸冤傷之上在閭閻知其

若此會廷尉史路溫舒

字長君廐東里人

上書言之

畧曰夫獄者天

下之大命也死者不可復生絕者不可復屬書曰與其殺不辜寧失不經今治獄吏則不然上下相毆以刻為明深者獲公名平者多後患故治獄之吏皆欲人死非憎人也自安之道在人之死是以人血流離刑徒比肩大辟之罪歲以萬數此仁聖之所傷也夫人情安則樂生痛則思死捶楚之下何求而不得故

囚人不勝痛則歸辭以示之吏治者利其然則指導以明之上奏畏卻則鍛鍊而周內之益奏富之成雖咎繇聽之猶以為死有餘辜何則成練者衆文致之罪明也故俗語云畫地為獄議不入刻木為吏期不對此皆疾吏之酷悲痛之辭也惟陛下省法制寬刑罰則太平之風可興于世

上善其言詔

以廷史任輕祿薄置廷尉平每季秋請讞時上幸宣

室齋居而決事獄刑號為平矣

丞郎太守鄭昌上言今明主躬垂明聽雖

不置廷平獄將自正若開後嗣不若刑定律令律令一定愚民知所避姦吏無所弄權帝未及修正

侍郎鄭吉

會稽人

擊車師破之因田其地

車師王與匈奴結婚教匈奴遮漢鄭吉將免刑罪人

田渠犁

注見前

發諸國兵及所將田士共擊車師破之

車師王請降吉等歸渠犁車師王恐匈奴兵復至奔烏孫匈奴更以王昆弟兜莫為王收其餘民東徙吉使吏卒往田車師地以寔之

已卯四年春二月賜外祖母號為博平

今縣屬山東東昌府君

上初即位數遣使求外家至是得王媼及其男無故武

賞賜巨萬皆封列侯

無故平昌侯武樂昌侯

詔有大父母父母喪者勿繇

詔曰百姓遭凶而繇使不得葬傷孝子之心自今勿繇使得終送盡其子道是夏又詔自今子匿父母妻匿夫孫匿大父者皆勿治

夏五月山陽

漢郡昌邑國
改注見前

濟陰

漢郡治定
陶註見前

雨雹

秋七月霍氏謀反伏誅夷其族皇后霍氏廢

霍顯及禹山雲自見日侵削數相對啼泣自然山曰今丞相用事縣官信之盡變易大將軍時法令發揚大將軍過失交諸儒生多竇人子遠客饑寒喜妄說狂

言不避忌諱大將軍常讐之今陛下好與儒生語人自書封事多言我家者又聞民間讙言霍氏毒殺許后寧有是耶顯恐急即具以寔告禹山雲驚曰縣官斥逐諸壻用是故也此大事誅罰不小奈何于是始有邪謀會雲舅李竟坐與諸侯王交通辭語及霍氏有詔雲山不宜宿衛免就第

時山陽太守張敞上封事曰乃者大將軍

次大計安宗廟海內之命斷于掌握方其盛時威動天地侵迫陰陽朝臣宜有明言曰輔臣顓政貴戚大成君臣之分不明請罷霍氏三侯就第明詔以恩不聽羣臣以義固爭而後許之天下必以陛下為不忘

功德而朝臣為知禮霍氏世世無所患若今朝廷不聞直聲而令明詔自親其文非策之得者也今兩侯已出人情不相遠以臣心度之大司馬及其枝屬必有畏懼之心夫近臣自危昨完計也臣故願于廣朝白發其端直守遠郡其路無由惟陛下省察上甚善其計然不名也

敞字子高河東平陽府人氏也

禹山等謀令太后為博平君置酒召丞相平恩侯以下使范明友鄧廣漢承太后制引斬之因廢太子而立禹事覺七月雲山明友自殺禹要斬顯及諸女昆弟皆棄市與霍氏相連坐誅滅者數十家皇后霍氏廢處昭臺宮封告者皆為列侯帝初立謁見太廟大

將軍光驂乘上嚴憚之若有芒刺在背後張安世代
光驂乘上從容肆體甚安近馬故俗傳霍氏之禍萌
于驂乘後十二歲霍后復徙雲林館乃自殺

初霍氏
奢後茂

陵徐福上疏言霍氏泰盛陛下即愛厚之宜以時抑
制無使至亡書三上輒報聞至是人為徐生上書曰
臣聞客有過主人者見其竈直突傍有積薪客謂主
人更無曲突遠徙其薪不者且有火患主人不應俄
而失火隣里共救之幸而得息于是殺牛置酒謝其
鄰人灼爛者坐于上行而不歸言曲突者人謂主人
曰卿使聽客之言不費牛酒終無火患今論功而請
賔曲突徙薪無恩澤焦頭爛額為上客耶今茂陵徐
福數上書言霍氏且有變宜防絕之卿使福說得行
則國無裂土出爵之費臣無送亂誅滅之敗往事既

已而福獨不蒙其功惟陛下察

之上乃賜福帛十匹以為卹

司馬氏光曰霍光之輔漢室可謂忠矣然而久顯大

柄不知避去多置私黨充塞朝廷使人主蓄憤于上

吏民積怨于下切齒側目待時而發其得免于身幸

矣況子孫以驕侈極之哉雖然向使孝宣專以祿秩

賞賜富其子孫使之食大縣奉朝請亦足以報盛德

矣乃復任之以政授之以兵及事叢繁積更加裁奪

遂致怨懼以生邪謀豈徒霍氏之

自禍哉亦孝宣醞釀以成之也

九月以朱邑

字仲卿廬江舒人

為大司農

邑少為桐鄉

在今江南安慶府桐城縣北春秋桐國地

嗇夫廉平不苛以

愛利為行未嘗笞辱人存問孤老吏民愛敬之遷北

海

漢郡治營陵故城在今山東青州府昌樂縣

太守以治行第一入為大

司農惇厚篤于故舊公正不可交以私身為列鄉居

處儉節祿賜以共族黨家無餘財及卒天子下詔稱

揚賜其子金百斤以奉祀

邑病且死屬其子曰我父為桐鄉吏其民愛我必葬

我桐鄉後世子孫奉當我不和桐鄉民及死子從其言桐鄉民果為起塚立祠歲時祭祀不絕

以龔遂為水衡都尉

先是渤海

漢郡治浮陽故城在今直隸天津府滄州

歲饑盜賊並起上選

能治者丞相御史舉龔遂拜渤海太守時遂年七十

餘名見問何以治盜賊對曰海濱遐遠不霑聖化其民困于饑寒而吏不恤故使陛下赤子盜弄陛下之兵于潢池中耳今欲使臣勝之耶將安之也上曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史無拘臣以文法得一切便宜從事上許焉加賜黃金贈遣乘傳至渤海界郡發兵以迎皆遣還移書敕屬縣罷逐捕吏諸持田器者皆為良民吏毋得問持兵者乃為賊

賣物賣刀必有
售者則仍即民
心使皆不售賣
又何為遂之勞
來務本同爲商
吏子但惡吏之
飾辭

遂單車至府盜賊聞遂教令即時解散棄其兵弩而
持鉤鉏于是悉平民安土樂業遂乃開倉廩假貧民
選用良吏慰安牧養焉齊俗奢侈好末技不田作遂
躬率以儉約勸民務農桑各以口率
令口種一樹榆
百本蠶五十本
慈一姓莊家
二母氣五姓
民有帶持刀劍者使賣劍買牛賣刀買
犢曰何為帶牛佩犢勞來循行郡中皆有畜積獄訟
止息至是入為水衡都尉

丙辰
元康元年夏五月追尊悼考為皇考立寢廟

有司奏言悼園

史皇孫葵廣明郭北後改奉明園置跡在今西安府長安縣北

宜稱

號曰皇考于是立廟

以尹翁歸

字了兄音況河東平陽人

為右扶風

治渭城註見前

翁歸為人公廉明察初為東海太守郡中吏民賢不

肖及姦邪罪名盡知之縣縣各有記籍自聽其政不委

今長也

有急名則少緩之吏民少解

請作解

輒披籍

披有罪者

籍也取人必于秋冬課吏大會中及出行縣

于大會之中及行縣

時則次取罪人以警衆也

不以無事時有所取也以一警百吏民

皆服恐懼改行自新以治郡高第入為右扶風選用
廉平疾姦吏以為右職接待有禮好惡與共之其負
翁歸蜀亦必行課嘗為三輔最然溫良謙退不以行

能驕人故尤得名譽于朝廷

翁歸之為東海過辭廷尉于定國定國欲託邑

子與翁歸詔終日不敢見曰此賢將汝不任事也又
不可干以私後三年翁歸病卒家無餘財詔曰翁歸
廉平卿正治民異等其賜翁
歸子黃金百斤以奉祭祀

沙車

治沙車城去長安九千九百五十里

叛衛侯馮奉世

字子明上黨潞人

矯發

諸國兵擊破之

時漢數出使西域多辱命不稱于是上選可使外國

者前將軍韓增

韓王信之後
封龍顏侯

舉奉世以衛侯使持節

送諸國客至伊循城

註見前

會故莎車王弟呼屠徵與

旁國共殺其王萬年及漢使者自立為王

初烏孫公主少子萬

年有寵于莎車王莎車王死而無子時萬年在漢莎車國人計欲自托于漢又欲得烏孫心上書請萬年為莎車王漢許之于是遣使者送萬年萬年初立暴惡國人不說至是殺之

揚言北道諸

國已屬匈奴于是攻劫南道軟盟叛漢從鄯善以西

皆絕不通奉世計以為不亟擊之則莎車日強其勢

難制必危西域遂以節諭告諸國發其兵進擊莎車
攻拔其城莎車王自殺傳首長安更立他昆弟子為
莎車王諸國悉平咸振西域

奉世遂西至大宛大宛聞其斬莎車王敬之異

于他使得其名馬象龍而還上甚說議封奉世丞相
將軍皆以為可獨蕭望之以奉世奉使有旨而擅矯
制違命雖有功勞不可為後法即封奉世開後奉使
者利要功萬里之外為國家生事漸不可長乃以為
光祿大夫

丁巳二年春二月立倭伃王氏為皇后

上欲立皇后憊艾霍氏欲害皇太子乃更選後宮無

子而謹慎者立長陵王儉子為皇后令母養太子封

其父奉光為邛成侯

奉光之先高祖時有功賜爵闕內侯自沛徙長陵奉光嗣爵好

闕雖帝在民間數與會及即

位納其女後宮遂立為后

夏五月詔二千石察官屬治獄

詔曰獄者萬民之命能使生者不怨死者不恨則可謂文吏矣今則不然用法或持巧心析律貳端淺深不平增辭飾非以成其罪奏不如實上亡由知二千

石各察官屬勿用此人吏或擅興徭役飾厨傳

常昭曰厨

謂飲食傳謂傳舍

稱過使客

稱使客之意而令過去也

越職踰法以取名

譽譬猶踐薄冰以待白日豈不殆哉今天下頗被疾疫之灾其令被災甚者毋出今年租賦

匈奴擾車師田者詔鄭吉還屯渠犂

匈奴大臣皆以為車師地肥美使漢得之多田積穀必害人國不可不爭數遣兵擊車師田者鄭吉將渠犂田卒救之為匈奴所圍吉上言願益田卒上與趙充國等議欲因匈奴衰弱擊其右地使不敢復擾西

域上因魏相諫

相曰臣聞救亂誅暴謂之義兵兵義者王敵如于已而起者謂之應兵兵

應者勝爭恨小故不忍憤怒者謂之忿兵兵忿者敗利人土地貨寶者謂之貪兵兵貪者破恃國家之大矜民人之衆欲見威于敵者謂之驕兵兵驕者滅此五者非但人事乃天道也間者匈奴常有善意所得漢民輒奉歸之未有犯于邊境雖爭屯田車師不足致意中今聞諸將軍欲興兵入其地臣愚不知此兵何名者也今邊郡困乏難以動兵軍旅之後必有凶年言民以其愁苦之氣傷陰陽之和也出兵雖勝猶有後憂今守相多不實選風俗尤薄水旱不時按今年計子弟殺父兄妻殺夫者凡二百二十二人此非小變也今左右不憂此乃欲報讎介之忿于遠夷殆孔子所謂吾恐季孫之憂不在顓臾而在蕭牆之內也

乃遣常惠將騎往車師迎鄭吉吏士還渠犂遂以車

師故地與匈奴

以蕭望之為左馮翊

治高陵
注見前

初上選博士諫官通政事者補郡國守相望之以諫

大夫出為平原太守

望之逮為郡守內不自得上疏
曰陛下哀憫百姓出諫官以補

郡吏然朝無諍臣則不知過所
謂憂其末而忘其本者是也

已而徵入守少府帝

察望之經明持重論議有餘材任宰相欲詳試其政

事至是復以為左馮翊

望之從少府出為左遷即移
病上使侍中諭意曰所用皆

更治民以考功君前為平原太守日淺故復
試之于三輔者非有所聞也望之即起視事

戊午三年春三月封故昌邑王賀為海昏

漢縣故城在今江西南康府建

昌侯
縣

上心忌故昌邑王賀賜山陽太守張敞璽書令謹備
盜賊察往來過客毋下所賜書敞于是條奏賀居處
衣服言語跪起清狂不惠以著其廢亡之效上乃知
賀不足忌封為海昏侯

封丙吉等為列侯

丙吉為人深厚不伐善自曾孫遭遇絕口不道前恩

會掖庭宮婢自陳嘗有阿保之功辭引使者丙吉知

狀上親見問然後知吉有舊恩而終不言大賢之初

張賀嘗為弟安世稱皇曾孫之材美及徵怪安世輒

絕止以為少主在上不宜稱述曾孫及帝即位而賀

已死上謂安世曰掖庭令平生稱我將軍止之是也

乃下詔曰朕微眇時丙吉

御史大夫

史曾史元

俱中郎將

許舜

長樂衛尉

許延壽

侍中光祿大夫

皆與朕有舊恩及故掖庭令張

賀輔導朕躬修文學經術恩惠卓異厥功茂焉詩不

宣帝至修恩
報德乃至郡邸
獄復作管侯官
祿田宅細人感
其私君子幾其
節非君道也

云乎無德不報封賀子彭祖

陽都侯賀子孫死彭祖
安世小男也少與上同席

所及吉

博陽侯

曾

荊陵侯

元

平臺侯

舜

博望侯

延壽

樂成侯

皆為

列侯賜賀謚曰陽都哀侯賀孤孫霸

年七歲

賜爵關內

侯故人下至郡邸獄復作

自故舊以下至于在郡皆
郡獄中復役工作之人

受官祿田宅財物各以恩深淺報之

言臨當封病上
憂其不起夏侯

勝曰有陰德者必饗其祿今吉本獲報非死疾也果
齋安世自以父子封侯在位太威乃辭祿詔都內別

藏張氏無名歲以百萬數

文穎曰都內主藏官也

夏六月立子欽

張健

為淮陽王

欽好經書法律聰達有材帝甚愛之

疏廣疏受請老賜金遣歸

皇太子年十二通論語孝經廣謂受曰吾聞知足不

辱知止不殆今宦成名立如此不去懼有後悔即日

俱移病上疏乞骸骨上皆許之

加賜黃金二十斤太子贈以五十斤公卿

二疏請老用以風世之德哉不已者則可然彼或豫知孝元庸懦不堪輔道是以見無補亦不過工於自計耳且五年後論語孝經安得遂謂之盡職而忽然求去帝太子何必名賜

故人說祖道供帳東都門外送者車數百兩道路觀者皆曰賢哉二大夫或歎息為之下泣廣受歸鄉里日令其家賣金共具請族人故舊賓客與相娛樂或勸以為子孫立產業者廣曰吾豈老詩不念子孫哉顧自有舊田廬令子孫勤力其中足以共衣食今復增益之但教子孫怠惰耳賢而多財則損其志愚而

如并之金今以其斤兩計之已逾千兩千金不易致太子又安得有五十斤之金以賜夫卒業之師得此班史欲飽傳其事不覺措詞過當未可盡信也

多財則益其過且夫富者衆之怨也吾既無以教化子孫不欲益其過而生怨又此金者聖主所以惠養老臣也故樂與卿黨宗族共饗其賜以盡吾餘日不亦可乎于是族人悅服

以潁川太守黃霸守京兆尹尋罷歸故官

霸為潁川太守使郵亭鄉官皆畜雞豚以贍鰥寡貧窮者為條教行之民間勸以為善防姦及務耕桑節用殖財種樹畜養初若煩碎然精力能推行之吏民見者語次尋繹問他陰伏

因語話之次搜尋細繹雖其也陰伏之事亦問而知之

以相參考聰明識事吏民不敢有所欺姦人去入他

郡盜賊日少霸力行教化而後誅罰務在成就安全

許丞老病聾瞶卽白欲遜之霸曰許丞廉吏雖老尚能拜起送迎正頗重聽何傷且善助之無失賢者意或問其故曰數易長吏送故迎新之費及奸吏因緣絕簿書盜財物公私耗費甚多當當出于民所易新吏又未必閒或不如其故徒相益為亂凡治道去其泰甚者耳

以外寬內明得吏民

心戶口歲增治為天下第一徵守京兆尹尋坐法貶秩詔復歸潁川為太守以八百石居官

己未四年秋八月求高帝功臣子孫失侯者賜金復其

家

賜功臣子孫固
獎勲善其然酌
給金復其家使
奉祀足矣百三
十六人各與
以黃金二十斤
當直白金四十
餘萬孝宣去武
帝財恩衰耗時
不逮安得如許
帑藏為揮霍之
費乎足徵其妄
安世匿名遠遠
權勢蓋上憚宣
帝之英明下憚
霍氏之專恣謹

得槐里

即犬邱
注見前

公乘

第八

周廣漢

勃曾
孫

等百三十六

人皆賜黃金二十斤復其家令奉祭祀世世勿絕是
年詔年八十以上非誣告殺傷人它皆勿坐又遣大
中大夫彊等十二人循行天下存問鰥寡覽觀風俗
察吏治得失舉茂才異倫之士

大司馬衛將軍富平侯張安世卒

諡曰
敬

安世謹慎周密每定大政已決輒移病出聞有詔令
乃驚使吏之丞相府問焉自朝廷大臣莫知其與議

慎白全猶庶幾
記之所云大臣
法者秦觀等之
為具臣論過刻
矣

也嘗有所薦其人來謝安世大恨以為舉賢達能豈
有私謝耶絕弗復為通有郎功高不調自言安世曰
君之功高明主所知人臣執事何短長而自言乎絕不
許已而郎果遷其欲匿名迹遠權勢如此

遣光祿大夫義渠安國

義渠西羌戎名後因為氏

行邊兵

初武帝開河西四郡

註見前

隔絕羌與匈奴相通之路

斥逐諸羌不使居湟中

湟水出甘肅西寧塞外東流合浩疊水至蘭州入黃河

及帝即位義渠安國使行諸羌先零

註見前

豪言願時

度湟水北逐民所不田處畜牧安國以聞趙充國劾

安國奉使不敬是後羌人旁

音傍依也

緣前言抵冒

犯突而前

也渡湟水郡縣不能禁既而先零與諸羌種豪解仇

交質

羌人無大君長諸種豪遞相殺伐故每有仇讐往來相報今解仇交質自相親結欲入漢為寇

也上聞之以問充國對曰羌人所以易制者以其種

自有豪數相攻擊勢不壹也往西羌反時亦先解仇

合約匈奴數誘之與共擊張掖酒泉地間者匈奴因

於西方

謂本始二年為烏孫所破

疑其更遣使至羌中與相結臣

恐羌變未止宜為之備後月餘羌侯狼何

氏種小月

果遣

使至匈奴藉

猶借也

兵欲擊鄯善敦煌以絕漢道充國

以為狼何勢不能獨造此計疑匈奴使已至羌中到

秋馬肥變必起矣宜遣使者行邊兵勅視諸羌毋令

解仇以發覺其謀于是兩府復白遣安國

庚申神爵元年

應劭曰前年神爵集長樂宮故改元

春遣諫大夫王褒

字子淵蜀

人求金馬碧雞之神

和淳曰金形似馬碧形似雞雲南府城東有金馬山其西南為

今

碧雞山兩山皆有神祠使王褒祭此考今雲南府漢為益州郡今四川省漢為益州部舊注金馬碧雞者皆以

為在成都益俱以益
州部為益州郡也

時帝始行幸甘泉郊泰時幸河東祠后土頗修武帝
故事以方士言增置神祠聞益州有金馬碧雞之神
可醮祭而致乃使褒持節求之初帝以褒有俊才

益州

刺史王褒使褒作中和樂職宣布
詩上聞褒因奏褒有執才乃徵褒
召見使作聖主得

賢臣頌

其畧曰聖主必待賢臣而弘其功業俊士必俟明主而顯其德上下俱欲懽然交忻翼乎

如鴻毛遇順風沛乎若巨魚縱大壑休微自至焉考無疆何必偃仰屈伸若彭祖响嗟呼吸如僞松助然

絕俗離世哉

是時帝頗好神仙故褒對及之

褒於道後京病死

兆尹張敬勸上斥遠方士由是悉罷上方待詔

諫大夫王吉謝病歸

帝頗修飾宮室車服外戚許史王氏貴寵吉上疏曰
臣聞宣德流化必自近始左右不正難以化遠故宜
謹選左右審擇所使左右所以正身所使所以宣德
此其本也古者衣服車馬貴賤有章今上下僭差是
以貪財趨利不畏死亡舜湯不用三公九卿之世

李奇

曰不繼世而爵

而舉臯陶伊尹今俗吏得任子弟率多驕驁

無益于民宜明選求賢除任子之令外家及故人可
厚以財不宜居位去角抵減樂府省尚方明示天下
以儉上以其言為迂濶吉遂謝病歸

先零羌楊玉叛夏四月遣後將軍趙充國將兵擊之

義渠安國至羌中召先零諸豪尤桀黠者斬之縱兵
擊斬千餘級于是歸義羌侯楊玉等怨怒背叛安國
失亡車重兵器其衆引還以聞時充國年七十餘上
老之使丙吉問誰可將對曰無踰老臣者矣上問度

當用幾人對曰兵難踰

音遙遠也

度願馳至金城

註見前

圖

上方畧羌戎小夷願陛下以屬老臣勿以為憂上笑
曰諾乃發兵遣充國將之以擊西羌

六月有星孛于東方

秋七月趙充國擊叛羌羌多降詔復遣將軍辛武賢

周太

史甲封丁辛其後以邑為氏武賢狄道人後徙昌陵

擊之尋詔罷兵留充國屯田

湟中

充國至金城須兵滿萬騎欲渡河恐為虜所遮即夜

累招撫罕拜則其勢已孤可不煩兵而定伏虎本然點到敵有大志而乃自托時重不擊則適足為美應之患罕拜等且從之不暇人何能為充國用邪兵貴知時非可執一論也至其屯田十二事則誠古今不易良策

遣三校銜枚先渡渡輒營陳會明畢遂以次盡渡虜

數百騎來出入軍傍充國曰擊虜以殄滅為期小利

不足貪令軍勿擊而遣騎侯四望陁中

文潁曰金城有三陁師古

曰山隄而夾水曰陁

無虜乃引兵進

名諸校謂曰吾知羌虜不能為

四望即陁之名也

兵矣使彼發數千人守杜

至西部都尉府日饗軍士

四望陁中兵豈得入哉

士皆樂為用虜數挑戰充國堅守初罕拜

音罕豪

靡當兒使弟雕庫來告都尉曰先零欲反後數日果

反都尉遂留雕庫充國以為無罪乃遣歸告諭種豪

欲以威信招降罕杆及刼畧者解散虜謀微其疲劇
乃擊之時內郡兵屯邊者合六萬人酒泉太守辛武
賢請以七月分兵出擊罕杆充國以為先零首為叛
逆他種刼畧故欲捐罕杆闇昧之過先行先零之誅
以震動之肯悔過反善因赦其罪選擇良吏撫循和
輯此全師保勝之道天子下其書議者咸以先零兵
盛而負罕杆之助不先破罕杆先零未可圖也上乃
拜許延壽

廣漢弟

為彊弩將軍武賢為破羌將軍以書

敕讓充國充國上書陳利害

畧言先零為寇罕并未有犯乃釋有罪誅無辜

起一難就兩害誠非計也且先零欲叛故與罕并解仇嘗欲赴罕并之急以堅其約今先擊罕并先零必助之交堅黨合迫脅諸小種虜兵寢多誅之彼必用力數倍于臣之計先誅先零則罕并之屬不煩兵而服矣

璽書報從充國計充國乃引兵至先零在所虜久

屯聚解弛望見大軍皆駭走

欲渡湟水道阨隘充國徐行驅之或曰逐利行

連充國曰此窮寇不可迫也緩之則走不顧急之則還致死軍校皆曰善哉術也

斬獲甚衆

遂至罕地令軍毋燔聚落芻牧田中罕羗喜曰漢果

不擊我矣豪靡忘來自歸罕竟不煩兵而下其秋充

國病詔以破羌將軍為副以十二月進擊先零時羌
降者萬餘人矣充國欲罷騎兵屯田以待其敝作奏
未上會得進兵璽書其子印

以中郎將
將支兵

使客諫充國

曰今兵久不決四夷卒有動搖相因而起雖有智者
不能善其後羌獨足憂耶吾固以死守之明主可為

忠言遂上屯田奏

畧曰臣所將吏士馬牛食所用糧
穀芟藁調度甚廣難久不鮮緣役

不息恐生他變為明主憂且羌易以計破難用兵辟
也故臣愚心以為擊之不便計度臨羌東至浩亶羌
虜故田及公田民所未墾可二千頃以上其間郵亭
多敗壞者臣願罷騎兵留步兵萬二百八十一人浚

滿渠治湟隄以西道橋令可至鮮水左右田事出賦
人三十畝四月草生發邸騎及屬國胡騎各千就草
為田者遊兵以充入金城益積畜省大費謹上田處
及器用簿惟陛下裁擇臨羌漢縣故城在今甘肅
西寧府西寧縣湟水出甘州府西番界流逕平番
縣入湟水今曰閣門河鮮水即青海在西寧府西亦
曰卑禾
羌海

上報曰即如將軍之計虜當何時伏誅兵當

何時得決孰計其便復奏充國上狀

畧曰臣聞帝王之兵以全取勝

是以貴謀而賤戰聖夷習俗雖殊然其欲避害就利
愛親戚畏死亡一也今虜亡其美地薦草愁于寄託
遠遁骨肉離心人有畔志而明主班師罷兵萬人留
田順天時因地利以待可勝之虜雖未即伏辜兵決
可期月而望臣謹條不出兵留田便宜十二事步兵
九校吏士萬人因田致穀威德並行一也排折羌虜

令不得居肥膩之地笏破其衆二也居民得並田作不失農業三也軍馬一月之費度支田土一歲罷騎兵以省大費四也至春省甲士卒循河湟漕穀至臨羌既羌咸武五也以閒暇時繕治郵亭充入金城六也令反虜窺于風寒之地離霜露疾疫殲墮之患坐得必勝之道七也亡經阻遠追死傷之害八也內不損威武之重外不令虜得乘間之執九也又不驚動河南大斤小斤使生他變十也治湟陁中道橋令可至鮮水以制西域信威千里從枕席上過師十一也大費既省餘役豫息以戒不虞十二也留屯田得十二便出兵失十二

上復賜報曰兵決可期月而望者

刊唯明詔採擇

謂今冬邪謂何時也將軍獨不計虜聞兵頗罷且丁壯相聚攻擾田者殺畧人民將何以止之將軍孰計

復奏于是充國又奏

器曰臣聞兵以計為本故多算勝少算先零羌精兵不過七八

千人失地遠客分散饑寒臣愚以為虜破壞可日月
冀故曰兵決可期月而望今騎兵雖罷見留屯田之
士萬人從今盡三月虜馬羸瘦必不敢捐其妻子于
他種中遠涉河山而來為寇亦不敢將其累重還歸
故地臣之愚計所以度虜必且瓦解其處不戰而自
破之策也至于虜小寇盜時殺人民其原未可卒禁
臣竊自惟念奉詔出塞引軍遠擊窮天子之精兵散
車甲于山野雖無尺寸之功愉得避嫌之便而亡後
咎餘責此人臣不忠之利非明主社稷之福也

充國奏每上輒下公卿議初

是克國計者什三中什五最後什八詔責前言不便
者皆頓首服魏相曰臣愚不習兵事利害後將軍數

畫軍策其言常是臣任其計可必用也上于是報充
國嘉納之亦以武賢延壽數言當擊于是兩從其計
詔兩將軍中郎將印出擊降斬各數千人而充國所
降復五千餘人詔罷兵獨留充國屯田明年夏五月
充國奏言羌本可五萬人凡斬降及溺河湟餓死者
遺脫不過四千人羌靡忘等自說必得願師古曰說
貴必能請罷屯兵奏可充國振旅而還所善浩星賜
得之迎說曰衆人

皆以破羌彊弩出擊虜以破壞然有識者以為虜執
窮困兵雖不出必自服矣將軍即見宜歸功兩將軍

如此計未失也充國曰兵勢國之大事當為後法老臣不以餘命壹為陛下明言利害卒死誰當復言之者卒以其意對上然其計詔遣辛武賢歸酒泉充國復為後將軍

是秋羌先零等斬楊玉首即四千餘人降初置金城

屬國以處降羌

辛武賢深恨充國上書告中郎將印池省中語下吏自殺充國乞骸骨賜

安車駟馬罷就第朝廷有大議常與參籌策甘露二年卒謚曰壯

以張敞為京兆尹

初敞為山陽太守會膠東盜賊起敞自請治之拜膠東相明設購賞聞羣盜令相捕斬除罪吏追捕有功

上名尚書調補縣令者數十人由是盜賊解散王太

后

膠東頃王
音之毋

數出游獵敞上書諫太后乃不復出時

京兆自趙廣漢後更黃霸等數人不稱職上乃以敞

尹京兆敞求得偷盜首長數人令致諸偷以自贖一

日得數百人窮治行法由是市無偷盜敞賞罰分明

而以經術自輔不純用誅罰由是能自全

時西羌兵
起敞請令

有罪者入穀邊郡贖罪蕭望之以為令民入
穀贖罪是貧富異刑而法不一也敞識逆寢

辛酉二年秋九月司隸校尉

武帝征和四年置以
掌徒隸而巡察故名

蓋寬饒

益公孟反齊大夫陳戴食邑于益
後以為氏寬饒字次公魏郡人

自到北關下

寬饒剛直公清刺舉無所避然深刻與貴戚人為怨
又好言事刺譏奸犯上意時帝方用刑法任中書官
官寬饒奏封事曰方今聖道寢微儒術不行以刑餘
為周召以法律為詩書又引韓氏易傳言五帝官天
下三王家天下家以傳子孫官以傳賢聖書奏帝以
為怨謗下其書執金吾

本中尉武帝太初元年更名

議以寬饒意

欲求禪大逆不道諫大夫鄭昌

字次卿泰山剛人

上書訟之

曰寬饒進有憂國之心退有死節之義上無許史之

屬下無金張之託

應劭曰許廣漢宣帝皇后父史高宣帝外家金日磾張張安世言

許史有外屬之恩金張自託名于狎近也

直道而行多仇少與上書陳事

有司劾以大辟臣官以諫為名不敢不言帝竟下寬

饒吏寬饒引佩刀自剄北闕下眾莫不憐之

先是太子庶子

王生予書寬饒曰自古之治各有制度今君不務循職而欲以太古久遠之事匡拂天子數進不用難聽之語以摩切左右非所以揚令名全壽命也夫君子直而不撓曲而不詘大雅云既明且哲以保其身唯

裁省覽寬

饒不聽

以鄭吉為西域都護

匈奴日逐王

匈奴屬王號居西邊顧西域諸國

率其衆降漢

匈奴虛閭權渠

單于始立默壺行鞬單于所幸顧渠閼氏即與右賢

王屬耆堂私通虛閭權渠死閼氏立右賢王為握衍

胸鞬單于虛閭權渠子指侯翺既不得立亡歸婁父

烏祿幕日逐王先賢揮素與握衍胸鞬有隙即率衆

降漢至渠犂與鄭吉相聞吉發諸國五萬人迎日逐王

詣京師上封日逐王為歸德侯吉既破車師

事見前降

日逐威振西域遂并護車師以西北道故號都護都

護之置自吉始上封吉為安遠侯吉于是中西域而

立莫府治烏壘城

去陽關二千七百三十八里其南三百三十里至渠犂

督察

康居烏孫等共三十六國而漢之號令遂班西域

矣

戊子三年春三月丞相高平侯魏相卒

謚曰憲

相明易經有師法數表採易陰陽及明堂月令上之

以為陰陽者王事之本羣生之命自古聖賢未有不
由者也願選明經通知陰陽者四人各主一時時至
明言所職以和
陰陽上納用焉好觀漢故事及便宜章奏數條漢興

以來國家行事及賢臣賈誼董仲舒等所言奏請施

行之

枚據吏果事郡國又休告從家還至府執白四方異聞或有逆賊風而災變郡不上相報奏言

之視事九歲卒

夏四月以丙吉為丞相

先已封博陽侯

丙吉知大體故事益緣史臣大節過情轉失其辭夫據吏有罪不察何以用人適逢權闕不知何以禁暴至若金甌腹尤人所共曉乃至見牛喘而始問且曰

吉尚寬大好禮讓掾吏有罪輒與長休告務掩過揚善終無所案曰以公府而有案吏之名吾竊陋焉嘗出逢羣鬪死傷不問逢牛喘使問逐牛行幾里矣或譏吉失問吉曰民鬪京兆所當禁宰相不親小事非所當問也方春未熟恐牛近行用暑故喘此時氣失

其行幾里則直
以不嫌安暑之
人高言變理矣
宜足一嘆

節三公調陰陽職當憂時人以為知大體

秋八月益小吏俸

詔曰吏不廉平則治道衰今小吏皆勤事而俸祿薄

欲無侵漁百姓難矣其益吏百石以下俸十五

韋昭曰若

食一斛
益五斗

以韓延壽

字長公燕
人徙杜陵

為左馮翊

初延壽為潁川太守承趙廣漢令民告訐之後俗多

怨讐延壽教以禮讓

召郡中長老為陳和睦親愛消
除怨咎之路議定嫁娶喪祭儀

品畧依古禮不得過
法百姓適用其教

已而遷東郡黃霸代之因其迹

而大治延壽為吏好古教化所至聘其賢士以禮待

用表孝弟有行修治學宮

春秋鄉射陳鐘鼓
管絃盛升降揖讓

接待下

吏恩施厚而誓約明在東郡三歲令行禁止斷獄大

減由是入為馮翊

蕭望之為御史大夫故以延壽代

行縣至高陵民

有兄弟訟田延壽大傷之曰幸得脩位為郡表率不

能宣明教化至今民有骨肉爭訟咎在馮翊因閉閤

思過于是訟者宗族傳相責讓兄弟深自悔願以田

相移終死不敢復爭郡中翕然傳相勅厲恩信周徧

二十四縣無復以辭訟自言者推其至誠吏民不忍

欺結

或告蕭望之延壽在東郡放散官錢千餘萬會御史當問事東郡望之因令并問之延壽聞即

部吏案校望之為馮翊時廉職官錢放散百餘萬移殿門禁止望之望之奏為延壽拘持上不直延壽各令窮竟所考望之卒無事寔而延壽以試騎士日車服侍衛奢僭逾制竟坐狡猾不道棄市吏民數千人送至渭城莫不流涕事在五鳳元年

癸未四年夏四月賜潁川太守黃霸爵關內侯

霸在郡前後八年政事愈治是時鳳凰神爵數集郡

黃霸治郡自不
能簡吏至為相
而功召顯擢則
趙魏之老廉薛

大夫之謂也若
歲延年因其以
鳳凰受賞心內
不服及相府神
雀來集欲奏復
之或出附會之
語然宣帝好祥
瑞之失亦足見
一斑

國潁川尤多詔賜爵關內侯

詔曰潁川太守霸宣布
詔令百姓鄉化孝于悌

弟貞婦順誅日以衆多田者讓畔道不拾遺養視鰥

寡睦助貧窮獄至八年無重罪囚吏民向于教化興

于行誼可謂賢人君子其

後數月徵霸為太子太傅

賜爵關內侯黃金百斤

冬十一月河南太守嚴延年棄市

延年陰鷙酷烈冬月傳屬縣囚會論府上流血數里

河南號曰屠伯延年素輕黃霸及比郡為守見其以

鳳凰褒賞心內不服時郡界有蝗府丞義

人名

出行蝗

還見延年延年曰此蝗豈鳳凰食邪義年老素畏延

年恐中傷乃上書言延年罪因自殺以明不欺事下

按驗得怨望誹謗數事坐不道棄市

初延年母從東海來到洛陽遭

見報因母大驚便止都亭不肯入府責延年曰幸得
倫郡守專治千里不聞仁愛教化有以安全愚民顧
多刑殺人欲以立威豈為民父母意哉天道神明人
不可獨殺我不意當老見壯子被殘也行矣去汝東
歸掃除墓地耳遂去歲餘
果敗東海莫不賢智其母

甲子五鳳

應劭曰鳳凰五
至因以改元

元年秋匈奴亂五單于爭立

匈奴握衍朐鞬單于暴虐烏禪幕及左地貴人共立
稽侯獬為呼韓邪單于發兵西擊握衍朐鞬握衍朐

鞮敗走自殺其弟右賢王立日逐王薄胥堂為屠耆單于于是呼揭王自立為呼揭單于右奧鞮王自立為車犁單于烏藉都尉亦自立為烏藉單于凡五單于時議者多曰匈奴為害日久可因其壞亂舉兵滅之蕭望之曰前單于慕化向善請求和親不幸為賊臣所殺今伐之是乘亂幸災也宜遣使弔問輔其微弱救其災患如復其位必稱臣服從此德之盛也上從其議

冬十二月乙酉朔日食

寅丙三年春正月丞相博陽侯丙吉卒

諡曰定

吉病上臨問誰可以自代者吉薦杜延年于定國陳

萬年

字幼公沛郡相人時為太僕

遂卒後三人居位皆稱職上稱

吉為知人

二月以黃霸為丞相

封建侯

霸材長于治民為丞相功名損于治郡京兆尹舍鵠

雀

顏師古曰鵠音芬或作鵠鵠雀大而色青出苑中

飛集丞相府霸以為神

崔議欲以聞後知從張敞舍來乃止史高以外屬貴
重霸薦高可太尉帝使尚書召問霸太尉官罷久矣
孝武建元元年太尉田
蚡免官省故云罷久將相之官朕之任焉高帷幄

近臣朕所自親君何越職而舉之霸免冠謝罪

丁卯四年春正月廣陵王胥以罪自殺

胥使女巫祝詛上求為天子事覺殺女巫以滅口公

卿請誅胥胥遂自殺

胥立凡六十
四年國除

糴三輔近郡穀供京師初置常平倉

自元康以來比年豐稔穀石五錢大司農中丞耿壽昌奏言歲豐穀賤農人少利故事歲漕關東穀四百萬斛用卒六萬人宜糴三輔弘農河東上黨太原郡穀供京師可省漕卒過半又白令邊郡皆築倉穀賤增其價而糴以利農穀貴時減價而糴名曰常平倉民便之詔賜壽昌爵關內侯

夏四月辛丑朔日食

殺故平通侯楊惲

丞相敞子以先發霍禹謀反封侯

惲輕財好義廉潔無私然伐其行能好發人隱伏由

是多怨於朝廷與太僕戴長樂相善既而相失長樂

上書告惲妄引亡國誹謗當世

惲言秦時但任小臣誅殺忠良竟以滅亡

令親任大臣即至今耳古與今如一邱之路

無人禮臣又以主上為戲語

尤悖逆

惲又言正月以來天陰不雨此即夏侯君所言行不至河東矣

上不忍加誅

免為庶人

事在二年

惲既失位家居以財自娛其友人孫

會宗

安定太守西河人

與書為言大臣廢退當闔門惶懼不

當治產業通賓客有稱譽惲少顯朝廷一朝以晬昧

語言見廢內懷不服報會宗書

畧言竊自思念過已大矣行已虧矣長為

農夫以沒世矣田家作苦歲時伏臘烹羊烹魚烹斗酒自勞酒後耳熱仰天拊缶而呼烏烏其詩曰田彼南山蕪穢不治種一項豆落而為其人生行樂耳須臾貴何時誠荒淫無度不知其不可也會有日

食變騶馬猥佐成

騶使馬吏成名

告憚驕奢不悔過日食之

咎此人所致章下廷尉案驗得所予會宗書上見而

惡之當憚大逆無道腰斬妻子流酒泉諸在位與憚

厚善者皆免官

京兆尹張敞坐憚黨當免奏未下敞使掾按事掾弘歸其家曰五日京兆

耳安能復按事敞聞即收掾致其死事掾家告之上免敞為庶人敞詣闕上印綬便從闕下亡命數月京

北吏民解死抱鼓數起而冀州部中有大賊上
使使者即家召敝拜冀州刺史到部盜賊屏息

戊辰 甘露元年以韋元成為淮陽中尉

宣帝此論失之甚矣周非用德教而亂政以不善用德教而亂耳雜霸之言豈所以訓子孫至既知元帝柔懦不勝神器而復優游寡斷所謂為天下得人難

皇太子柔仁好儒見帝所用多文法吏嘗侍燕從容
言陛下持刑太深宜用儒生帝作色曰漢家自有制
度本以霸王道雜之奈何純任德教用周政乎且俗
儒不達時宜好是古非今使人眩于名實不知所守
何足委任乃歎曰亂我家者太子也次子淮陽王欽
母張使母張使明察好法上欲立之然因太子起于微細上
仔有寵

之表安在且淮陽王亦未必即賢與兄與弟惟父所命乃更以讓爵元成為淮陽中尉欲以感喻淮陽王是不益故其親親之心乎蓋人本既非指死必無一是皆

少依許氏及即位而許后以弑死故弗忍至是拜元

成為淮陽中尉以元成嘗讓爵于兄

元成初以父賢任為郎常侍騎

會兄宏為太常丞坐罪繫獄賢病門下生共矯賢今以元成為後及賢卒元成當襲爵即陽為病狂不應召欲以爵讓兄丞相御史劾元成寔不病有詔勿劾引拜元成不得已受爵帝高其節以為河南太守弘泰

山都尉欲以感喻淮陽王由是太子遂安

已二年立子噐為定陶王

後徙楚

字為東平王

東平國治無益故城

在今泰安

府東平州

庚午三年春正月匈奴呼韓邪單于來朝還居幕南塞下

初五單于爭立屠耆單于擊車犁烏藉皆敗之車犁
烏藉西北走與呼揭單于合而呼揭烏藉皆去單于
號并力尊輔車犁屠耆單于復擊之車犁單于敗走

事在五
鳳元年

既而呼韓邪單于襲屠耆屯兵屠耆兵敗自

殺車犁因東降呼韓邪而屠耆少子右谷蠡王姑
樓頭亡歸漢呼韓邪大將軍屬屈等見匈奴亂亦率

其衆南降

漢風烏屬屈為新城侯及烏屬溫敦為義陽侯置西河北地屬國以處匈奴降者

是時屠耆單于弟休旬王自立為閼振單于呼韓邪

兄右賢王呼屠吾斯又自立為郅支骨侯單于

在五鳳二年

年後閏振單于東擊郅支郅支與戰殺之遂進攻呼

韓邪單于敗

在五鳳四年

左伊秩訾王勸令稱臣事漢呼

韓邪從之遣子右賢王銖婁渠堂入侍郅支單于亦

遣子右大將駒于利受入侍

在甘露元年

呼韓邪引其衆

南遂款五原塞願朝詔議其儀蕭望之以為宜待以

不臣之禮位諸侯王上從之

在甘露二年

至是上幸甘泉

郊泰時呼韓邪單于來朝贊謁稱臣而不名

賜以冠帶衣裳

時黃霸之言頗得體而宣帝聽望之然待呼韓邪以不臣之禮失威重矣姑息者率以望之為度荀悅以非禮則之其說

弓矢車馬金
錢繡敕諸物

使使者道單于先行宿長平

在今涇陽縣西南

上自甘泉還登長平坂詔單于毋謁其羣臣皆得列

觀及諸蠻夷君長咸迎于渭橋下夾道陳上登渭橋

咸稱萬歲單于就邸長安置酒建章宮饗賜之二月

遣歸國發邊郡士馬送出塞又轉邊穀米糒給之

前後

三萬四千斛

單于請居光祿塞

光祿勳徐自為所築在吳刺武故九原城北

下

保受降城

注見前

自是烏孫以西至安息諸國近匈奴

者咸尊漢矣

後黃龍元年春呼韓邪復來朝郅支聞漢助呼韓邪遂徙居堅昆東去單于庭

七千
里

畫功臣于麒麟閣

張晏曰麒麟閣武帝後麒麟時
作圖畫其象于閣遂以為名

上以戎狄賓服思股肱之美乃圖畫其人于麒麟閣
署其官爵姓名惟霍光不名曰大司馬大將軍博陸
侯姓霍氏其次張安世韓增趙充國魏相丙吉杜延
年劉德梁丘賀

琅邪諸人
官少府

蕭望之蘇武凡十一人皆

有功德知名當世

丞相霸卒

諡曰

以于定國為丞相

封西
平侯

詔諸儒講五經異同于石渠閣

顏師古曰閣在未央殿北以藏秘書

施讐

沛人從田王孫受易

論易周堪

齊人從夏侯勝受尚書

孔霸

孔子十三世孫

事夏侯勝

論書薛廣德

沛郡相人以魯詩教授

論詩戴聖

梁人與兄

治尚書

德同受后倉曲

論禮公羊

公羊高齊人子夏弟子高傳其子平傳其子地地傳

臺記號小戴

其子敢敢傳其子壽壽傳胡母子都及董仲舒仲舒傳

則嚴彭祖

祖

東海下邳人

穀梁

穀梁赤魯人一名微字元始子夏弟子赤傳荀卿荀卿傳申公申公傳江

公江公傳榮廣榮廣傳

則尹更始

汝南人

蕭望之等平

蔡千秋千秋傳尹更始

奏其議上親稱制臨決焉乃立梁邱易

孔子傳易于商瞿瞿傳肝

臂子弓子弓傳矯子庸疵疵傳周子家豎豎傳光子
乘羽羽傳田子莊何何傳周王孫王孫傳丁寬寬傳

田王孫王孫傳梁邱賀賀本

大小夏侯尚書

伏勝今文尚書

從京房受易後更事田王孫

傳博士張生夏侯都尉從張生受尚書以傳族子始

昌始昌傳勝小夏侯名建勝之從父子也勝以書授

建建又事歐陽高由是

穀梁春秋博士

尚書有大小夏侯之學

孫驚生

即成帝劇友益書法王氏之黨漢之中否自驚生始矣故謹書之

皇太子所幸司馬良娣病死太子忽忽不樂帝令皇

后擇後宮家人子可侍太子者得王政君

魏郡元城人故繡衣

御史賀孫女送太子宮是歲生子男于甲觀畫堂

顏師

古曰甲觀觀名謂甲乙丙丁之
次畫堂宮殿中有彩畫之堂

為世適皇孫帝愛之

自名曰驚字太孫常置左右

烏孫公主

楚主
解憂

來歸

初烏孫肥王翁歸靡死兄子泥靡立

是為
狂王

復尚楚主

與主不和暴惡失衆肥王有胡婦子烏就屠襲殺狂
王而自立漢欲討之烏就屠恐願得小號以自處上

遣謁者立楚主子元貴靡為大昆彌烏就屠為小昆

彌

事在甘
露二年

已而元貴靡死楚主上書言年老思土願

歸葬漢地天子聞而迎之待如公主之制後二歲卒

烏孫立元貴靡子

星靡為大昆彌

壬申黃龍

顏師古曰是年二月黃龍見廣漢故改年

元年春三月有星孛于王

良閣道

史記正義王良五星在奎北河中閣道六星在王良北

入紫微

帝寢疾以史高為大司馬車騎將軍蕭望之為前將軍光祿勳周堪為光祿大夫受遺詔輔政願尚書事

冬十二月帝崩

太子爽即位

是為孝元帝

尊皇太后曰太皇太后

上官后

皇后曰皇太后

叩成王皇后

御批歷代通鑑輯覽卷十七



總校官進士臣程嘉謨

校對官編修臣吳舒帷

謄錄監生臣謝棟